



## Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.  
Libri Qvinqve**

**Bartoli, Daniello**

**Lvgdvni, 1665**

[XXXIII.] Prufessi dignitates admittere coacti ex voto debent Generalis  
consilia audire. ....

**urn:nbn:de:hbz:466:1-10840**

bia, & solitudines hinc illud Nazianzeni *Vale vale cathedra inuidiosum & periculosum fastigium*, & alia quibus assumpta magis quam petita veria decedendi suam, iam deinceps non suam Constantinopolim, Synodum, Templum Imperat. Clerum, Virgines Sacras, Auditores, familias in se beneficas, omnes denique salutauit, *Non enim subdit, Dei quoque iacturam faciunt, qui thronis cesserint, sed supremā cathedralē habebunt, his multo sublimiorem, & tutorem.*

*Prūfessi dignitates admittere coacti ex voto debent Generalis consilia audire. Quod vorum contra diplomata Pontificum, & contra veritatem impugnatum est.*

Sic ergo Ignatius malis vna duobus occurrit, ambitum ab Societate, ab Ecclesia excludens ambituros. Si quando tamen incidenteret, vt Christi Vicarius, penes quem solum id juris est, homines de Societate, pena diuinæ offensæ adigeret ad Ecclesiæ præfecturas; prouidentissimo consilio tunc cauit, vt esset earum administratio & iis tuta & publico utilis. Voto enim ligari Professos constituit, si forte præficcerentur Ecclesiæ, audituros consilia Societatis Præpositi, aut cui suas vices ille committeret; consiliis vero huiusmodi ita se semper parituros, si ea meliora esse, quam quæ sibi in mentem venissent iudicarent. In quo sunt quædam necessariò indicanda 1. primum biennio quam viuis abiit, Ignatius voti eius edendi legem Constitutione ab eo sancitam; nec sat habuisse, quod de illa cum Deo transfigisset, sed Patrum iudicio, vt ipsi mos erat, subiecisse. Seruatur in tabulario nostro Romæ, consultationis huius autographum, capitibus, iudiciis, & chirographis Theologorum qui interfuerant distinctè consignatum, quale verbatim hoc transfero. *Communi omnium Patrum qui Congregati sunt consensu conclusum est, primo, licere vovere voto simplici; quod si quis ex Societate assumatur ad Prelationem, audiet consilium Generalis Societatis Iesu, vel eius in hoc commissarij, & exequetur quod ei consultum fuerit, modo prælatus indicauerit id quod consultur melius esse. Non tamen videbitur licitum ita Obedientiam dicto Generali vovere, ut is per hoc constituatur superior Episcopo 2. hoc votum expedire 3. Licere, & expedire Constitutionem de hoc facere, modo ita explicetur, vt nullus merito offendit possit. 4. non expedire mentionem facere de scrupulis, vel alijs huiusmodi. Conclusa sunt prædicta omnia Roma in domo Societatis Iesu. 17. Sept. anno Domini 1454.* Primus subscripterat Iacobus Lainius, quem vnum facile multis anteponas; inde Andreas Ouedus qui fuit postea Æthiopæ Patriarcha; Melchior Carneus Niceæ Episcopus; Martinus Olaius Doctor Sorbonicus; Benedictus Palmius; Petrus Ribadeneira; Cornelius Vilchauenus, & alij prudentes, & docti: decreto constitutionibus inserto recognitæ sunt constitutiones seuero examine, iussu Pauli I V. à Cardinalibus quatuor Alexandrino, qui Pij V. nomine, Pontifex deinde creatus est, ingens dominicanæ familiae ornamentum; Moniliano seu Arae cœli Franciscano; Scoto Theatino; Suauius Episcopo, qui eas ne apice quidem mutato vel adjuncto laudarunt; multis inde diplomaticis, multi Pontifices non modo vniuersas, verum etiam scorsum singulas, & particulatim ynamquamque, ita comprobarunt, vt eos diris execrationibus subderent, quorum temeritas in iis aliquid auderet arguere, vel exagitare dispuçando, quæ à me idcirco lectori obiter necesse fuit hic repeti, vt facilius statuat,

statuat, qua mente ictus sit, qua scientia prædictus, qui votum hoc irritum, ac nullum docere voluit; & qua potuit arte, imminutæ Hierarchiæ suspe-  
ctum facere; quasi præfulum thronos, & infulas religioso panno subiice-  
ret. Igitur in re Ecclesiæ tam graui, parum profecto viderant Paulus I V.  
Gregorius XIII. XIV, & Paulus V. (præter quos dixi quatuor Cardinales)  
qui dum supraea potestate Societatis institutum, eiusque particulas singu-  
las confirmarent, huic impugnatori, scilicet acutius videnti, delendum re-  
liquerunt illud *Ex certa scientia* quod suis inserebant diplomatis, nec enim  
id poterat adiunctum, cum rei approbatæ ignoratione constere, qua rem  
approbari cognitam prorsus non licebat. Fuerit præterea religiosus ordo,  
alias nec illiteratus nec improbus, hoc vno in capite tam rudis, ut sacrile-  
gium non discerneret à voto? aut probe discretum, & cognitum, pro vo-  
to eligeret? quæ sanè iudicia semicæcum illum videntur sapere, qui homi-  
nes videbat velut arborum truncoſ ambulantes. Licet ergo id votum; &  
sanctè conceptum est; cum & bono ingenti nos alliget; nec celso splendo-  
ri sacrorum antistitium officiat, nec omnī consulens, respondenti propterea  
subditur; neque respondens, vlo modo fit consulente superior; & consilij  
audiendi religio (multo quidem melior quam petendi) nullum ius danti  
consilium tribuit in accipiente, nec est hominis priuati ius illud tribuere:  
religiosa quoque obligatio exequendi, quod optimum factu videbitur con-  
sulenti, ne umbrā quidem potestatis in fuggerentem attribuit; sed suæipſius  
conscientiæ potius iubentis, quam fuggerentis consilio, tanquam propo-  
nentis hominem permittit. Hanc porro fuisse viri sancti mentem ipsem  
explicat. *Non quod habeat*, inquit, *qui Prelatus est aliquem de Societate Su-*  
*perioris loco, sed quod sponte in Dei conspectu, vult ad id faciendum obli-*  
*gari, quod ad diuinum obsequium melius esse intellexerit, quodque placeat*  
*esse aliquem, qui sibi cum caritate, ac libertate Christiana ad gloriam Dei,*  
*& Domini nostri id proponat.* Hinc si quem deesse huic promissione con-  
tigerit, is Deo fidem, non homini fregerit, nec possit ad eam vlla vi hu-  
mana, etiam obliqua compelli. Denique spondere quæ non sunt præstan-  
da, nisi postquam qui spondet, Obedientiæ vinculo solitus fuerit, non  
est gradum præsentem defunctæ iam Obedientiæ subdere, vt nec Cardinales  
ex diplomate Pij V supremam dignitatem inferiori subiiciunt, cum iurati  
negant, se ditiones Ecclesiæ mancipaturos iure beneficiario si Pontifices  
crecentur. Editi olim à præfule in Societate voti expletio, nec regulæ de-  
betur, nec auctoritatì quam retinuerit in eum Societas; sed voto ipsi ad eam  
obstringenti; Potuerit licet dum Ordini suberat, ab eo adigi ad vouen-  
dum, qui Apostolicam ad hoc gerebat potestatem. Cumque votum à voti  
adimpletione plurimum differat, diuersisque vtrumque ex Principiis orian-  
tur; nihil verat, votum vi Obedientiæ nuncupari, idemque extra Obe-  
dientiam expleri. Iam cui videatur Gregorius XIII. quatuor memorans  
professorum vota, quintum tacendo improbase, quo facti præfules, iidem  
renerentur; næ ille difficile imprudentiam excusat: quainuis illud opponat.

Part. 10. con-  
stit. §. 6.

Bulla Aſcen-  
dente.

Kk 3 Excepio

*Exceptione regulam in contrarium firmari.* Imprimis enim diploma , vt patet eius procemium legenti , ed solùm Gregorius condidit quo Societatis natum institutum ita stabiliret , ne cuius audacia illud in posterum impugnaret. Qui possit igitur , contra ius omne , atque officium , quod in rei vnius gratiam factum est , prorsus contrarium agere , partémque illius instituti euettere , cuius integre confirmandi causa , siveque speciatim cum partibus lansiendi , corroborandique concessum est ? belle nimur hic existus paternæ curæ respondeat , qua se Pontifex Optimus , disertè , Deo laus , permotum explicuit , ad condendam illam constitutionem. *Nos* , inquit , *uniuersalē Ecclesiæ utilitati , quam ex inniulato , & inconcuso dicta Societatis Instituto , & religiosa & sobolis educatione sentimus , & maiorem in dies speramus , prospicientes , & praterea eiusdem Societatis indemnitati , paci , quieti , & incremento consulere volentes , &c.* Legatur vbi votorum meminit de quibus nunc agitur , tantum abest à vero ut simplicia quatuor à professis concipi solita , excludat Pontifex eo loco ab ea confirmatione , ex quo sequatur quintum hoc excludi ; vt ne illa quidem verbo ullo confirmet , sed narrat tantummodo quæ seruari à nobis consuerunt pro instituti nostri , iam constabiliti , confirmatique ratione , & est effatum iurisperitorum , verbis narrantibus nihil decerni. At vbi ventum est ad stabiliendas Societatis institutiones , non modo nullam ex iis partem demit , sed post novas earum approbationes , quas quidam temerè fugillarāt , omnes de integro , & peculiariter singulas , iisdem quibus iam antea fuerant , formulis , & sanctionibus iterum confirmat , & roborat , cunctis quæ fingi animo poterant , iuriis aut facti erroribus occurrentis. Quin & verba , ipsius diplomatis , quibus quatuor fit votorum mentio , per se nuda seclusis aliis , causam taciti quinti tam clare explicant , vt mirum sit ad hoc desiderari interpretem. *Post eiusmam Professionem* , ait , *sive quatuor , sive trium votorum , Professi ad Pauperatis quæ regularis Instituti murus est , & propugnaculum , perfectionem tuendam ; omnemque ambitionis occasionem excludendam nonnulla alia simplicia vota emittunt , &c.* Vbi enim voto dicuntur promittere stringendam arctius ab se paupertatem si quæ fiat vñquam in ea mutatio ; vovere item se procul futuros ab dignitatibus quærendis , & delaturos ad Præpositum eius nomen , si quem eius labis reum didicerint ; certè non potuit nisi perabsurdè , & stolidè voti eorum mentio fieri , qui eligerentur in praesides , de audiendis consiliis Generalis , & ( si viderentur propriis sanctiora ) in opus conferendis. Quæ huius ab S. Ignatio sapienter sancte que posita Constitutionis , auctoritate iam Apostolica sat tuto armatae , explicationi magis quam defensioni dicta velim.

## XXXIV.

*Ignatius  
exemplar  
suis optima  
Gubernatio  
nis.*

Designato nobis in hunc modum solo , Fundator sanctus , substruxerat lapides , quibus vitam , & sibi & aliis inædificaret Societas , Christiana virtute perfectam ; sed cum primordia vim magnam progressibus imprimant , & perennaturam ; plorium illi ad integratatem defuisset , nisi quam partem grauissimam , summeque tractatu difficultem , suis de gubernatione regulis